

Nuuk 27. juni 2024

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

## Apeqqut:

- 1) Royal Greenland-ip kilisaataatani inuttaqarneq eqqarsaatigalugu massakut qanoq inissimasoqarpa aqumiut kalaallit eqqarsaatigalugit qassit kalaallit aquttarfimmi sulippat?
- 2) Umiarsuit qassit kilisaatit Royal Greenland-ip pigisai aalisarpat?
  - a. Aammalu Kalaallit umiarsuarni naalakkat inuttallu qassiuppat?
  - b. taamatullu aamma kalaallit umiarsuarni aquttut qassiuppat?
- 3) Aamma paaserusuppara ukiut tallimat iluanni kilisaatini inuttat immikkut nunatta avataani najugallit akuersissummik tunillugit kilisaatinut inuttanngortitat qassiuppat?
- 4) 2019-mi immikkut akuersissummik nunatta avataani najugallit kilisaatini inuttanngortillugit akuerisat qassiuppat.
- 5) 2020-mi immikkut akuersissummik nunatta avataani najugallit kilisaatini inuttanngortillugit akuerisat qassiuppat.
- 6) 2021-mi immikkut akuersissummik nunatta avataani najugallit kilisaatini innuttanngortillugit akuerisat qassiuppat.
- 7) 2022-mi immikkut akuersissummik nunatta avataani najugallit kilisaatini inuttanngortillugit akuerisat qassiuppat.

(Inatsisartuni ilaasortaq Hans Enoksen, Naleraq)

## Tungavilersuut:

Innuttaasut paasisariaqarpaat kalaallit aqummiut Royal Greenland-ip kilisaataatani naalakkatut aqumiutullu atornerarneq ajornerinut suna pissutaanersoq. Inuiaqatigiinni sooq sulisinnaasortagut tamakkiisumik pisortat pigisaanni atornerarumangitsut akuersaaginnarneqarsinnaanngilaq. Aningaasat pisuussutittalu nunatsinni kaviartitsinermi tamakkiisumik pingaaruteqartorujussuuvoq innuttaasut atorluassallugit nunami allamiunut isiginnaartuinnaatik.

Inuiaqatigiit namminneq sulisinnaasortagut kalaallit atorluartariaqalerput asuli isiginnaartuinnartut inissitaqattaarunnaarlugit pisinnaasunik kalaallinik ilaqarpugut atorluagassatsinnik tassami aningaasat nunatsinni kaaviiartilernissaat tamakkiisumik aqutissiuuttariaqalerparput nunap aningaasarsioneranut kivitseqataasinnaasut tamaasa pisariaqartikkatsigit.

Apeqqutikka ullut qulit suliffiusut iluannik akineqarnissaat kissaatigaara.